

# Kuida di Nos Kriansas na Tudu Zóna:

## Un Alterason di Testu di Zoniaméntu pa Struturas di Kuidadus Infantil na Sidadi Interu na Kódigu di Zoniaméntu di Boston

BPDA (Ajénsia di Planiaméntu y Dizenvolviméntu di Boston) tene un prupósta pa **altera testu di zoniaméntu** di Kódigu di Zoniaméntu di Boston pa facilita kriason di struturas di kuidadus infantil pa nos moradoris más pikinóti na tudu zóna di Boston! Sabe más sobri kes **KUATU prinsipal alterason** ki BPDA kre pa faze y módi ki es ta ben afeta kuidadus infantil (di kriansas) na nos sidadi:

### KUATU PRINSIPAL ALTERASON

**(1) Muda "Day Care" pa "CHILD Care"** — Atualmenti, Kódigu di Zoniaméntu ta utiliza palabras "*day care centers*" y "*accessory family day care homes*", má Dipartaméntu di Idukason y Kuidadus Infantil di Massachusetts (MA EEC) ka ta utiliza kes palavra la pa fala di struturas di kuidadus infantil. El ta utiliza "*child care centers*" y "*accessory family child care homes*" y el ten difinisons asociadu ki debe ser atualizadu na Kódigu di Zoniaméntu. Es alterason di testu ta ben **atualiza kes palavra la y atualiza ses difinison** na Artigu 2º di Kódigu di Zoniaméntu, pa fika más di akordu ku difinisons di MA EEC y identifika MA EEC komu ajénsia di stadu apropiadu pa kuidadus infantil.

**(2) Kuidadus Infantil na TUDU Zóna** — Na txeu lugar di Boston, séntrus di kuidadus infantil y kazas di kuidadus infantil familiar asesóriu é proibidu ô ten ki kunpri sértus izijénsia pa ser aprovalu pa Konselhu di Rikursus di Zoniaméntu. Es alterason di testu ta ben **transforma séntrus di kuidadus infantil y kazas di kuidadus infantil familiar asesóriu nun uzu pirmitidu na tudu zóna di Boston**. Kel-li ta ben ilimina kustus éstra y bareras asociadu ku prusésu di rikursu di zoniaméntu na óra di kria nóvus séntru y nóvus prugrama domisiliar (na kaza) na kes lugar ki más meste.

**(3) Kuidadus Infantil Alén di Rés-di-Txon** — Na sértus lugar di Boston, séntrus di kuidadus infantil é pirmitidu sô na rés-di-txon ô na kavi di prédius. Kel-li ka sta di akordu ku rigulaméntus di MA EEC, ki ta fla ma séntrus di kuidadus infantil pode oferese sirvisus pa riba di rés-di-txon. Es alterason ta ben **ilimina izijénsias lokal ki ta inpidi séntrus di kuidadus infantil pa riba di rés-di-txon** y otus barera rilasionadu ku kuantidadi di spasu ki es pode okupa nun propiedadadi.

**(4) Ilimina Mínimus di Stasionaméntu** — Txeu zóna di Boston ta iziji pa séntrus di kuidadus infantil ten lugar di stasionaméntu di akordu ku ses tamanhu. Es izijénsia é un barera karu pa dizenvolviméntu di séntrus di kuidadus infantil y el ka ta koresponde a objetivus di Kámara Munisipal di riduzi dependénsia na veikulus partikular (privadu). Es alterason ta ben **ilimina izijénsias mínimu di stasionaméntu pa séntrus di kuidadus infantil**, y kel-la ta ben djuda

séntrus di kuidadus infantil na konstrui sô kel stasionaméntu ki es meste pa ses funcionáriu y pa famílias ki es ta atende.

## **INPURTANTI — Kuidadus infantil ta KONTINUA ta ser regulamentadu!**

Enbóra BPDA sa ta muda lugaris *undi* ki struturas di kuidadus infantil é pirmitidu, prestadoris di kuidadus infantil simê ten ki sigi regulaméntus di stadu rilasionadu ku siguransa y sirvisus ki es ta presta. Kes alterason ki BPDA sa ta faze na Kódigu di Zoniaméntu ka ta substitui regulaméntus di stadu. Na verdadi, kes alterason ta ben djuda pesoas atxa kes regulaméntu más fáxi, y mésmu ténpu es ta insentiva kriason di struturas di kuidadus infantil ki mestedu txeu na Boston interu.

## **Alguns Térmu Inpurtanti pa Intende kes Alterason!**

**Séntru di Kuidadus Infantil** — Kualker strutura lisensiadu pa Dipartaméntu di Idukason y Kuidadus Infantil di Massachusetts undi ki kriansas ku ménus di séti (7) anu di idadi (ô ku ménus di dizasais [16] anu di idadi, si es ten nisisidadis spisial) ta resebe kuidadus durante dia fóra di ses kaza.

**Kaza di Kuidadus Infantil Familiar Asesóriu** — Un strutura di kuidadus infantil lisensiadu pa Dipartaméntu di Idukason y Kuidadus Infantil di Massachusetts pa funciona nun kaza ô nun propriedadi rizidensial.

**Inkluzon di Struturas di Kuidadus Infantil (IDF)** — Un regulaméntu ki foi aprovalu pa priméru bêns na 1989 y ki gósi sta ativu na katorzi (14) distritu di zoniaméntu di Séntru di Boston. El ta iziji pa prujétus di dizenvolviméntu ki ten más di un ditirminadu tamanhu (métru kuadradu), kria struturas di kuidadus infantil na lokal ô fóra di lokal, ô pa es kontribui pa un fundu munisipal ki ta apoia dizenvolviméntu di prugramas di kuidadus infantil.

**Alterason di Testu di Zoniaméntu** — Un alterason ô konjuntu di alterason na pártis di Kódigu di Zoniaméntu ki ta bira un nóvu konjuntu di régras pa utilizason ô dizenvolviméntu di terenus na Sidadi óra ki es aprovalu.

Si bu tene perguntas ô kumentáriu sobri kes alterason, kontakta Abdul-Razak Zachariah pa [abdul-razak.zachariah@boston.gov](mailto:abdul-razak.zachariah@boston.gov) ô da bu opinion na nos [kistionáriu di feedback](#) durante piríudu di kumentáriu públiku, ki ta bai di 28 di agostu ti 6 di siténbru!